



1930 йил  
12 майдан  
чиқа  
бошлаган

# ПОВЕСТЬ

ЎЗБЕКИСТОН РЕСПУБЛИКАСИ ИИБ НАШРИ

№ 67 (3297)

1999 йил 23 июль, жума

Сотувда эркин нарҳда

## Ўзбекистон Республикаси Президентининг ФАРМОНИ

### 1999 йил 1 августдан бошлаб иш ҳақи, пенсия, стипендия ва ижтимоий нафақалар миқдорини ошириш тўғрисида

Кишиларнинг моддий фаровонлигини ошириш ҳамда республика аҳолисининг ижтимоий муҳофазасини таъминлаш мақсадида:

1. 1999 йил 1 августдан бошлаб бюджет муассасалари ва ташкилотлари ходимларининг иш ҳақи, барча турдаги пенсияларнинг, олий ўқув юртлари талабалари, ўрта махсус ва ҳунар-техника ўқув юртлари ўқувчиларининг стипендиялари ва ижтимоий нафақалар ўрта ҳисобга 1,4 баравар оширилсин.

2. 1999 йил 1 августдан бошлаб Ўзбекистон Республикаси ҳудудида:

энг кам иш ҳақи – ойига 1750 сўм;  
ёшга доир пенсия – ойига 3340 сўм;  
ягона тариф сеткаси бўйича бошланғич (нулинчи) разряд – ойига 1750 сўм;

болалиқдан ногиронларга бериладиган нафақа – ойига 3340 сўм;

зарур иш стажига эга бўлмаган кекса ёшдаги ҳамда меҳнатга лаёқатсиз фуқароларга бериладиган нафақа – ойига 2025 сўм миқдорига белгилансин.

3. 1999 йил 1 августдан бошлаб барча турдаги пенсияларни ўрта ҳисобга 1,4 баравар ошириш уларни амалдаги қонунчиликка асосланиб қайта ҳисоблашни кўзда тутган ҳолда 1991 йил 1 январга қадар ҳамда кейинги йилларда тайинланган пенсиялар миқдорини тенглаштиришни ҳисобга олган ҳолда амалга оширилсин.

Ўзбекистон Республикаси Ижтимоий таъминот вазирлиги ва Молия вазирлиги ўн кун муддат ичида пенсияларни қайта ҳисоблаш тартибини ишлаб чиқиб тасдиқласинлар ҳамда барча турдаги пенсияларни оширишнинг муайян миқдорини белгиласинлар.

4. Белгилаб қўйилсинки, иш ҳақига қўшилаётган устама ва қўшимчаларнинг барча турлари, шунингдек пенсиялар, икки ёшгача бўлган болаларни тарбиялаётган оналарга, бо-

лалик оилаларга бериладиган нафақалар ҳамда энг кам иш ҳақига нисбатан белгиланган бошқа тўловлар 1999 йил 1 августдан бошлаб мазкур Фармонда белгиланган энг кам иш ҳақи миқдоридан келиб чиқиб амалга оширилади.

5. Ўзбекистон Республикаси Ижтимоий таъминот вазирлиги, Меҳнат вазирлиги, вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари, бюджетдан маблағ билан таъминланадиган ташкилот ва муассасалар мазкур Фармон қоидаларидан келиб чиққан ҳолда пенсиялар, нафақалар, стипендиялар ҳамда бюджет муассасалари ва ташкилотлари ходимларининг маошларини ўз вақтида қайта ҳисоблаб чиқишни таъминласинлар.

6. Бюджет муассасалари ва ташкилотлари ходимларининг иш ҳақи, пенсиялар, нафақа ва стипендияларнинг оширилиши билан боғлиқ харажатлар республика давлат бюджети ва Пенсия жамғармаси ҳисобидан амалга оширилсин.

7. Хўжалик ҳисобидаги корхона ва ташкилотлар меҳнатга ҳақ тўлашнинг базавий фонднинг белгиланган миқдоридан келиб чиққан ҳолда ишлаб чиқариш самарадорлигини ошириш ҳамда меҳнат чикимларини камайтириш ҳисобидан 1999 йил 1 августдан бошлаб иш ҳақи миқдорини мазкур Фармонда белгиланган энг кам иш ҳақи миқдорига мувофиқ оширсинлар.

8. Ўзбекистон Республикаси Президентининг 1998 йил 25 ноябрдаги ПФ-2144 Фармони 7-банди истисно қилинган ҳолда ўз кучини йўқотган деб ҳисоблансин.

9. Ўзбекистон Республикаси Вазирлар Маҳкамаси ўн кун муддат ичида мазкур Фармонни амалга ошириш юзасидан қарор қабул қилсин.

Ўзбекистон Республикаси Президенти  
**И. КАРИМОВ**

Тошкент шаҳри,  
1999 йил 19 июль.

## Бош муҳаррир минбари

### ЎЗГАРИШЛАРНИНГ АСОСИЙ БОҒЛОВЧИ БЎҒИНИ

Халқимизда: "Рўзғори бирнинг ташвиши ҳам бир", деган нақл бор. Ҳақиқатан ҳам шундай. Барчамизнинг Ватанимиз битта – мустақил Ўзбекистон, тақдиримиз бир – буюк юрда яшаш, бир мақсад сари интиляпмиз – мамлакатни иқтисодий жиҳатдан гуллаб-яшнаган ўлкага айлантириш.

Юртбошимиз Ислам Каримов раҳбарлигида ана шу эзгу мақсад сари интиляётган суверен республикамизда саккиз йиллик юксалиш давомида катта ютуқлар қўлга киритилди. Бугунги кунда давлатимизнинг демократик ислохотларни амалга ошириш, ҳуқуқий давлат барпо этиш борасидаги сазой-ҳаракати бутун дунёга маълум.

Хозир буюк келажакни яратишнинг янги босқичида турибмиз. "Постда" ва "На посту" газеталарининг аввалги сониди Президентимиз Ислам Каримов ўзининг "Ўзбекистон XXI асрга интиломқда" деб номланган нутқида баён этган, янги мингйиллик бўсағасида стратегик ислохотлар ва янгилашнининг устувор йўналишлари қай даражада аҳамиятли ва долзарблигини қисқача баён этган эдик. Беш устувор йўналишдан бири, маълумки, мамлакат сиёсий, иқтисодий ҳаётини, давлат ва жамият қурилишини янада эркинлаштиришдир.

Ўз моҳиятига кўра айни пайтда бу масала куйидагича намоён бўлмоқда: ҳар бир жисмоний ёки юридик шахс ўз имкониятларидан ижодий ва тўлиқ фойдаланиши учун муайян эркинликка эга бўлмоғи лозим. У қанчалик юқори даражада бўлса, шахснинг жамият эҳтиёжини қондиришга йўналтирилган фаолияти шунча яхши самара беради.

Эркинлик ҳақида советлар тузуми даврида ҳам кўп гаплар айтилган. Аммо мустабид тузум эркинликни чеклаб қўйиб, одамлар ўз қобилиятини намоён этишига имкон бермаган эди. Билмай қўйилган ҳар бир эҳтиётсиз қадам кўнгилсизлик билан тугарди.

Ўша даврда шундай бир вақтлар келиб, юртбошимиз аҳоли нафақат ўз сиёсий онги ва фаоллигини оширишга чақириши, балки бу жараёни тезлаштиришга киришиши кимнинг ҳам ҳаёлига келган, дейсиз. Шу ўринда ҳар бир фуқаронинг жамият ва мамлакат сиёсий ҳаётида иштироки учун етарли шароит яратиб бериш масаласи кўзда тутилмоқда. Бундай имкониятга Ўзбекистон мустақилликка эришгандан кейингина эга бўлди.

Жамият ҳаётининг барча соҳаларини эркинлаштириш бўйича устувор йўналишни ҳаётга жорий этиш ҳар биримиздан бор куч-ғайратимизни ишга солиш, самарали чоралар кўришни талаб этади.

Эркинлаштириш йўлидан бораётган давлатимиз ўз ваколатларининг бир қисmini қонунчилик асосида маҳаллий ҳокимият органлари, нодавлат ва жамоат тизимлари, фуқароларнинг ўзини ўзи бошқариш органларига топширмоқда. Президентимиз бугунги кунда бозор ислохотларини амалга ошириш, тadbirkorликни рағбатлантириш, хусусий мулкни ривожлантириш, аҳолини иш билан таъминлаш, истеъмол бозорини тўлдирish, ижтимоий инфратузилмани ривожлантириш, одамларнинг моддий фаровонлигини ошириш ва аҳолини кучли ижтимоий муҳофаза қилиш масалалари айнан шулар томонидан ҳал этилиши кераклигини таъкидлади.

Шуни ишонч билан айтиш мумкинки, эркинлаштиришнинг амалга оширилиши жамиятнинг ўзини ўзи бошқариш имкониятларини кенгайтиради, фуқаролар, маҳаллий ҳокимият органлари, халқимиз ташаббускорлигини ривожлантиришга тўлиқ шароит яратади. Бу эса бизга аҳоли барча қатламлари манфаатларини вужудга келтириш ва юзага чиқариш, уларни қўллаб-қувватлаш ва амалга оширишнинг демократик механизмини йўлга қўйиш, қонунчилик ва ҳуқуқ-тартиботни мустаҳкамлаш, маъмурий-бўйруқбозлик ва расмиятчиликка қарши самарали курашиш, фуқароларнинг конституцион ҳуқуқ ва эркинликлари ишончли ҳимоясини кафолатлаш, шунингдек уларнинг жамият ва давлатга нисбатан мажбуриятларининг бажарилишини таъминлаш имконини беради.

Эркинлаштиришнинг ўзига хос жиҳати, у жамият ва фуқароларнинг сиёсий маданиятини юксалтиришга ҳам хизмат қилади. Шунингдек, ҳар томонлама етуқ, ўз ҳуқуқ ва эркинликларини яхши биладиган, жамият ва одамлар олдидидаги бурчини чуқур ҳис этадиган шахслар камол топишида муҳим аҳамият касб этади.

Шуни таъкидлаш лозимки, сиёсий маданиятни бу даражада вужудга келтириш, аҳолининг сиёсий фаоллигини ошириш бир кунлик иш бўлмай, мураккаб ва қийин кечадиган жараёндир. Мақсадга эришишда кўп қийинчиликларга дуч келишимиз табиий, аммо демократияни чуқурлаштириш, халқ ҳокимиятини шакллантириш сари олға бораётган жамиятимизнинг келгуси ривожланишида бу ягона йўлдир. Шу боис, барчамиз юртбошимиз кўрсатиб ўтган, ўзгаришларнинг асосий боғловчи бўғини бўлган эркинлаштиришни ҳаётга жорий этишда фаоллик кўрсатишимиз зарур.

## ЯНГИ МИЛЛИЙ ХИЗМАТ КИЙИМИ



Ушбу бежирим, қулай, муҳими чидамли хизмат кийимлари ҳукуматимиз раҳбарлари томонидан маъқулланди. Шуни алоҳида таъкидлаш лозимки, унинг олдингисидан фарқи катта. Чунончи, уни кийган ходимнинг қайси хизматда ишлаши яққол билиниб туради. Мисол учун ходимнинг ўнг енггидаги белги қайси хизматда ишлашидан далolat берса, кўкрак нишониди унга тегишли шахсий рақамлар кўрсатилган. Ҳозирча йўл-патруль хизмати ходимлари янги кийимдан фойдаланишга япти. Агар у маъқул бўлса бошқа хизматларга ҳам берилди.

Мирза АБДУЛЛАЕВ.

Бугун пойтахтимиз кўчаларида янги хизмат кийимларида ўз вазифаларини бажараётган милиция ходимларини кўриб дилингиз қувнайди. Мустақиллигимизнинг саккиз йиллиги арафасида мазкур янгилик ички ишлар ходимлари учун чинакам тўхфа бўлди, десак муболаға эмас.

Ҳар томонлама қулай ва пишиқ тикилган миллий хизмат кийимлари ҳақида кўпдан бери изланишлар олиб борилгани сир эмас. Яратилишидан аввал бир қанча ривожланган давлатларнинг полициячилари кийимлари таққослаб кўрилди, уларнинг ижобий томонлари олинди.



## ГЕНЕРАЛ ГОПУРОВ ХОТИРА ТУРНИРИ

Шу кунларда республикамизнинг беш шаҳрида милиция генерал-майори К. Гопуров хотирасига бағишланган VI анъанавий футбол биринчилиги ўтқа-

зиляпти. Ўзбекистон Республикаси ИИБ, Қорақалпоғистон Республикаси ИИБ, Тошкент шаҳри ИИББ, вилоят ИИБлари ва ИИБ ўқув юртлари фут-

бол жамоалари Тошкент, Урганч, Фарғона, Жиззах ва Қарши шаҳарларида беллашиб, энг кучлилар сараланди. Гуруҳларнинг голиблари Тошкент шаҳрида ўқазилди-

ган финал учрашувларида куч синашдилар. Турнир натижалари ҳақида муштарийларимизни хабардор қилиб борамиз.

## ДУШАНБА - ТАРБИЯ ВА ИНТИЗОМ КУНИ

Фаргона вилояти ички ишлар бошқармаси бошлиги, милиция полковниги Б. Сиддиқов шахсий таркиб ўртасида олиб борилган тарбиявий ишлар савиясини яхшилаш, хизмат интизомини мустаҳкамлаш, ходимларнинг саф тайёргарлиги бўйича кўникмаларини мукаммаллаштириш ҳамда уларда миллий гуруҳ, давлат рамзларига ҳурмат-эҳтиром туйғуларини кучайтириш, мустақил юртимиз тарақ-

қиети, унинг буюк келажига бўлган ишончини мустаҳкамлаш, Она — Ватанга садоқатини ошириш мақсадида вилоят ички ишлар идораларида душанба кунини "Тарбия ва интизом куни" деб эълон қилиш тўғрисидаги буйруққа имзо чекди.

Матрифат дарслари ходимларни тарбиялашдаги аҳамиятини, ундаги маъруза ва суҳбатларнинг долзарблиги, таъсирчан ва мазмундорлигини ошириш-

га алоҳида эътибор бериш таъкидланган.

Яна бир эътиборга молик нарса шуки, "Тарбия ва интизом" куни дастурини ҳодимларнинг ўз устида ишлашларига алоҳида эътибор қаратилган. Ходимларнинг газета ва журналларни мутлақ қилиши, республика ҳукумати ва ИИБ меъёрий ҳужжатларини ўрганишларига шароит яратиб берилди.

**М. КИМСАНБОВ,**  
милиция подполковниги.

Жиззах вилоятининг Фориш тумани ҳудудидаги М. Оролов номли ширкат хўжалигига қарашли "Гараша" қишлоғида истиқомат қилувчи Суннат Синдоров 1 кг 200 гр. марихуанани мижозларга 90.000 сўмга сотаётган вақтда вилоят ИИБ ЖКБ гиёҳвандликка қарши кураш бўлими ходимлари, милиция майорлари Карим Отакулов, Акмал Ҳасанов ва милиция катта лейтенанти Жамшидхон Жалиловлар томонидан қўлга олинди.

Исм-шарифлари кўрсатилган милиция ходимларидан иборат тезкор гуруҳ Зарбдор тумани ИИБ ЖКБ ва бошқа хизматларнинг ходимлари билан ҳамкорликда ўтказган тадбир давомида 6 кишидан иборат уюшган жиноий гуруҳни фош этишга муваффақ бўлди. Қўшни Зомин туманининг "Ём" қишлоғида

## "Корадори-99"

истиқомат қилувчи, ўттиз икки ёшли Акром Фаниев ва унинг ҳамқишлоғи, илгари суд-

## "ЖОНЛИ ЗАНЖИР" УЗИЛДИ

ланган Бахтиёр Ирсалиевлар бошчилигидаги бу тўда жиноят устида қўлга тушди. Дастлаб улардан бири харидор М. А.га 150 гр марихуанани 15.000 сўмга сотаётганда ушланди. Тинтув пайтида ундан яна 150 гр марихуана топилиб, мусодара қилинди. Шундай қилиб, "жонли занжир"нинг битта "ҳалқаси" қолганларининг ҳам фош этилишига йўл очиб берди...

**Туроб ҚОРЖОВОВ,**  
милиция майори.

### Жиноят-қидирув хизмати воқеалари

## ҲАМ КУЛАСИЗ, ҲАМ КУЯСИЗ

Навбатчилик қисмига келиб тушган хабар бўйича жиноят содир этилган уйга бордик. Маълум бўлишича, фуқаро Самижон С. хонадонига ўғри тушиб, янги телевизор ва видеомагнитофонни олиб кетган. Суриштирув ишларини бошладик. Хонадонга яқин орада келган меҳмонлар, таниш-билишларни аниқладик. Самижон С. гумонсиратган кишиларни санаб чиқдик.

— Ўғрини тезроқ ушланглар, уни албатта қаманглар, қонун бўйича иш кўринглар, озгина бўлса-да, ён босанглар юқорига арз қиламан, — деди у бизни кузатиб.

Орадан уч кун ўтди. У ҳар куни икки-уч мартадан кўнгироқ қилиб, тезроқ ҳаракат қилишимизни, йўқса юқоридаги танишига айтишини писанда қиларди.

Ўғирланган мол ё сотилади, ё яшириб қўйилади. Бозорга бориб айланиб юрсам, ёшгина йигитчанинг телевизор ва видеомагнитофон сотаётганини ўстидан чиқдим. Харидор бўлиб пулини суриштирсам, анча арзон. Нима учун яхши товарни сотаётганини суриштирдим. Йигитча озгина талмовсираб турди-да:

— Ўқишга кирмоқчи эдим, Тошкентда яшаб туриш учун пул керак бўлиб қолди, — деди.

— Ота-онанг йўқми?

— Бор, буларни ўзим сотиб олгандим, шунинг учун сотаяпман.

— Қардан сотиб олгандинг?

— ...?

Хуллас, йигитчани буюмлари билан бирга бўлимга олиб келдим. Суриштирувдан кейин уларни ўғирланганлиги маълум бўлди. Йигитча қардан ўғирлаганини айтиб берди. Самижонни чақириб, телевизор ва видеомагнитофонни кўрсатдим. У дарров таниб, раҳмат айтиб, буюмларини олиб кетди. Эшикдан чиқа туриб, менга қараб:

— Ўғрини албатта жазоланглар, агар қўйиб юборсанглар юқорига билдириб қўяман, — деди.

Эртасига эрталаб идорага келсам, Самижон ёнида ўзи тенги бир киши билан мени кутиб турган экан. Унинг ранги ўчган. Саломлашибоқ хавотирли овоз билан ўғлининг икки кундан бери йўқлиги, қидириб тополмаганини айтди. Мен ўғлининг белгиларини сўрадим. У ҳибсда турган йигитчанинг худди ўзини тасвирлаб берди. Кейин ҳар иккаласини хонага олиб кирдим ва ҳибсдаги йигитчани чақиртирдим.

Ўғлини кўриб, Самижон ўрнидан туролмай қолди. У ҳамма нарсани тушунган эди. Ёнидаги шеригининг айтишича, Самижон уйда гап берган ва дўстининг телевизор ва видеомагнитофонини олиб келган. Эртасига эса улар йўқолган.


Анчадан кейин ўзига келган Самижон, ялинишга тушди.

— Ўғлимни кечира қолинг, қўйиб юборинг мен ўзим гаплашиб қўяман.

Мен унга кулиб дедим:

— Юқоридагилар нима, дейди юқоридагилар?

**Саидахмад КУБАЕВ,**  
Мирзаобод тумани ИИБ ЖКБ  
тезкор вакили, милиция катта лейтенанти.



## ЁШ ХОДИМЛАР БИЛАН УЧРАШУВ

Ибратли тадбир

**Ички ишлар идораларининг ходими ўз сафдошлари бо- сиб ўтган қахрамонона ва ибратли йўлларини эъзозлаб, уларнинг шонли анъаналарига ўз хиссасини қўшишга, ҳуқуқни муҳофаза қилувчи ва милиция идоралари обрўсини мустаҳкамлашга, шунингдек, халқнинг ишончини қозониш- га интиломоғи даркор.**

"Қасб одобномаси" дан.

Хоразм вилояти ИИБ раҳбариятининг ички ишлар идораларида хизмат қилаётган ёш ходимлар билан учрашуви бўлиб ўтди. Бу тадбирга бошқарма бошлигининг ўринбосарлари, бўлим ва бўлинма бошлиқлари таклиф қилинди.

Анъанавий ўтказилаётган учрашувни вилоят ИИБ бошлигининг ўринбосари, милиция подполковниги Ш. Иброҳимов очди ва ёш ходимларнинг билим савиясини, қасб маҳоратини ошириш борасида олиб борилаётган ишлар ҳусусида гапирди.

Сўзга чиққан вилоят ИИБ бошлиғи, милиция полковниги Т. Худайберганов воҳа меҳнатқашларининг фидокорона меҳнатига тўхталди. Баъзи ота-оналарнинг, қўни-қўшнилар-



нинг бепарволиги оқибатида айрим ёшлар назоратсиз қолиб, турли диний оқимларга берилиб, ўз Ватанига қўл кўтарганликларини афсус билан тилга олди.

— Ички ишлар идораларида хизмат қилаётган ҳар бир ходим ўзининг юксак интизоми, хушмуомалалиги, ғайрат-шижоати билан бошқаларга намуна бўлмоғи лозим. Сизлар тарбияга муҳтож йигит-қизлар

сбонларисиз. Ишончим комилки, сиз ўзинингизнинг хушёрлигингиз, жасури ва мардлигингиз билан меҳнатқаш ўзбек халқининг ишончини оқлайсиз", — деди нотиқ.

Шундан сўнг сўзга чиққан вилоят ИИБ фахрийлар кенгаши раиси Ў. Абдукаримов, Хива шаҳар ИИБнинг терговчиси, милиция лейтенанти А. Матчонов, Шовот туман ИИБнинг паспорт бўлинмаси бошлиғи, милиция подполковниги Г. Жуманиёзовлар милиционерлик масъулиятли ҳамда шарафли қасб эканлиги ҳақида гапирдилар.

Учрашув сўнгида тадбир қатнашчилари бошқарма ҳовлисидаги Хотира ва Қадрлаш майдонига гулчамбарлар қўйдилар ҳамда "Меҳнат ва жанговар шухрат" музейини томоша қилдилар.

**Х. ЖАББОРОВ.**

Суратларда: ёш ходимлар билан бўлган учрашудан лавҳалар.

**Жумабой ҚОЗОҚ**  
олган суратлар.

## ҲАМКОРЛИК МУСТАҲКАМЛАНАДИ

Сўнги пайтларда Хоразм вилояти ички ишлар ходимлари бошқа ҳуқуқни муҳофаза қилиш идоралари билан ҳамкорликда кенг жамоатчилик ўртасида ҳуқуқ-тарғибот ишларини кучайтирдилар. Вилоят ҳудудида апрель ойдан буён давом этаётган кенг қамровли "Тозалаш" тадбири чоғида идора, ташкилот ва ўқув муассасаларида, маҳалла ва қишлоқларда учрашувлар, суҳбатлар уюштирилди.

Айниқса, Президентимизнинг 1999 йил 24 июнда Миллий ахборот агентлиги муҳбири билан "Хушёрликка даъват" мавзусидаги суҳбатлари бу йўналишда янада аниқ, самарали тадбирлар ўтказишга туртки бўлди.

Яқинда жойларда вилоят прокуратураси, халқ таълими бошқармаси ходимлари, мактаб директорлари, ВЕИИ инспекторлари иштирокида семинар-кенгаш ўтказилди. Семинар-кенгашда ёшларга таълим-тарбия бериш савияси пасайганлиги танқид

қилинди. Вилоят ИИБ раҳбарларининг маърузаларида турли диний-экстремистик оқимларга мансуб, рўйхатга олинган 417 нафар шахннинг аксарияти ёшлар эканлиги қайд этилди. Улар орасида, айниқса, ёшларни тўғри йўлга бошлаши лозим бўлган ўқитувчиларнинг ва ҳали вояга етмаган тўрт ўсмирнинг борлиги афсус билан таъкидланди.

Семинар-кенгаш қатнашчилари гиёҳвандлик билан боғлиқ жиноятларга ҳам айрим ўқитувчилар аралашиб қолганлигини очик-ойдин, ташвишланиб айтдилар.

Семинар-кенгаш якунида ёшлар ўртасида жиноятчилик, диний экстремизмнинг олдини олиш, ҳуқуқни муҳофаза қилиш идораларининг халқ таълими ходимлари билан ҳамкорлигини янада мустаҳкамлаш чора-тадбирлари белгиланди.

**Л. БОЗОРОВ,**  
ИИБ ЖООБ инспектори, милиция катта лейтенанти.

*Ички ишлар идоралари фахрийси истеъфодаги ички хизмат генерал-майори Ренат Александрович ДОРОГИНИН 70 ёшли юбилеи билан самимий муборакбод этамиз. У кишига мустақкам соғлиқ, узоқ умр, саломатлик ва бардамлик тилаб қоламиз.*

*Ўзбекистон Республикаси ИИБ раҳбарияти, шахсий таркиби ва Фахрийларни ижтимоий кўллаб-қувватлаш жамоатчилик маркази.*



Ренат Александрович ажайиб фазилатларга эга

Хадемай меҳнат фахрийси Ренат Александрович Дорогинин таваллуд топганига 70 йил тўлади. У республика Ички ишлар

Ренат Александрович бор куч ва ғайратини ишга солиб, штаб ишини такомиллаштира бошлади. Мавжуд қийинчиликларни

## ОРАДАН 20 ЙИЛ ЎТГАЧ

вазирининг муовини вазифасида ишлаб туриб, ички хизмат генерал-майори унвони билан истеъфодаги чикқанига йигирма йил бўлаяпти.

Ренат Александрович 1967 йилда республика ИИБ ташкилий-нозирлик бўлими раҳбарларидан бири эди. Тинмай изланди, ўз устида ишлади. Орадан икки йил ўтгач, уни мазкур бўлимга бошлиқ этиб тайинлашди. Ишга жиддий киришган

енгиш учун жамоани бир мақсад сари йўналтирди. Ўша кезлари штаб фаолиятини яхши биладиган тайёр мутахассислар деярли йўқ эди. Шу боис бошқа хизмат ходимлари жалб қилинарди. Ренат Дорогинин уларга оқилодан раҳбарлик қилар, ўргатар, шу билан бирга ўзи ҳам ўрганарди. У ишга ўзига хос ёндошиб, янги-янги ғоялар топди, бошқарув маданиятини юксалтирди.

инсон. Ўша кезлари ходимлардаги янгиликка интилувчанликни кўра билар, уларни руҳлантириб борарди. Унинг раҳбарлик қобилияти кўпчиликка ўрнак бўлса арзийди.

Ҳозирги кунда ҳам ўз маслаҳатларини ёшлардан аямай, тажрибалари билан ўртоқлашаётган Ренат Александрович Дорогининга узоқ умр, сihat-саломатлик тилаймиз.

Л.КИЯШКО.

Вилоят ички ишлар бошқармасининг мажлислар зали ҳар қачонгидан ҳам гавжум. Бу ерда сермазмун умрининг чорак асрини милиция хизмати бахшида этган милиция подполковниги Юлдузхон Мирзаевани нафақага кузатиш маросими бўлиб ўтди.

Андижон шаҳридаги зиёли оилада дунёга келган Юлдузхон муаллима онасидан муносиб тарбия олди. Онаси уч қиз, бир ўғилга одамлиқдан етарли даражада сабоқ бера олди. Бу эса Юлдузхонга бутун эъзмати давомиди йўлчи юлдуз бўлди.

Юлдузхон савдо техникумини, сўнг эса политехника олийгоҳини тамомлаб, кўш диплом билан милиция хизматида келди.

## КЎШ ЮЛДУЗЛИ ЮЛДУЗХОН

У дастлаб вилоят ИИБда нозир бўлиб ишлади.

Бу орада милиция олий мактабини ҳам тамомлади. Бугунги кунда у вилоятдаги аёллар ўртасида ягона милиция подполковнигидир.

Тадбир чоғида Юлдузхон опанинг хизматлари муносиб баҳоланди. Сўзга чиққанлар унинг шаънига илиқ сўзлар айтиб, тилаклар билдиришди. Юлдузхон Мирзаева иззат-икром ва эсдалик совғалари билан тантанали равишда нафақага кузатилди.

Б. АЗИМОВ,  
милиция лейтенанти.

## Миннатдорчилик мактублари

### ОДАМИЙЛИККА РАҲМАТ!

Мен Екатеринбург шаҳрида яшайман.

1999 йил 12 март куни Тахиятош шаҳрида яшаб, алоқа бўлимида ишловчи, шаҳар кенгашининг ноиб бўлган онам Т. Н. Лосевскаянинг ўлими ҳақидаги хабарни эшитиб, етиб келдик ва онам ўз уйида ўлдирилганини билдик.

Қотиллик фақти билан жиноий иш кўзгатилади, Қорақалпоғистон Республикаси Ички ишлар вазирининг ўринбосари, милиция майори С. Полвонов, Республика прокурорининг ўринбосари, адиб-аслаҳатчиси М. Арзимбетов, ИИБ ЖКБ бошлиғи, милиция полковниги У. Атанязов, Тахиятош шаҳар ИИБ бошлиғи, милиция полковниги Б. Имангалев ва бошқаларнинг тинимсиз олиб борган тезкор-қидирув ишлари натижа-

сида тезда қотил топилди, қўлга олинди. Ички ишлар ва прокуратура ходимлари асло тиним билмадилар. Улар юксак касбий маҳорат, ҳар бир сўз ва таҳминга жиддий синчковлик билан ёндошдилар. Бундан ташқари, ҳуқуқ-тартибот ходимларининг муомала маданияти, бизнинг қайғумизга шерик бўлиб, уни енгиллаштиришга уринишлари, одамгарчиликлари бизда катта таассурот қолдирди.

Онамнинг қотилини топиб, жиноий жавобгарликка тортишда жонкуярлик билан тезкор қидирув ишларини олиб борган ва оғир дамларда ҳамдард бўлиб, кўмаклашган ҳуқуқ-тартибот ходимларига ҳамма қариндошларимиз номидан газетангиз орқали миннатдорчилик билдираман.

А. Н. ВЛАСОВА,  
Екатеринбург шаҳри.

### ХУШЁР ХОДИМЛАР КЎПАЙСИН

Тонг саҳарда дарвоза тақиллади. Чиқсам туманимизда ишловчи уч милиционер: С. Матиев, О. Аллаберганов, Ю. Худойбергановлар кўрамдаги боқиб кўйган молнинг арқонидан ушлаб турибди. Ёнларида бир йиғит ҳам бор. Ҳайрон бўлдим. Кейин билсам, тунги соат 03 ларда молхонамга ўғри кириб, молмини олиб чиқиб кетган, биз бу ўғриликни сезмаган ҳам эканмиз. Навбатчилик қилиб юрган хушёр милиция ходимлари тунда мол етлаклаган одамни кўриб, суриштирган ва ўғрини тутган эканлар. "Ўғригина бола" қорамолни қаердан, қандай олганини "ижро этиб" берди.

Халқимиз "чиқаси молга эгаси сабаб" деб бекорга айтмаган. Агар биз сал хушёрроқ бўлсак ўғрилик юз бермаслиги ҳам мумкин эди. Милиция ходимларига минг раҳматки, бизнинг хатомизни тузатиб, жиноятнинг олдини олиб, йўқотганимизни топиб бердилар.

Хушёр милиционерларга миннатдорчилик билдириб, ички ишлар идораларида ана шундай ходимлар кўпаяверсин, дейман...

Амат АЙИТОВ,  
Элликқалъа тумани "Бўстон" фермер уюшмаси.

Кадрларни танлаш ва уларни жой-жойига қўйиш бугунги куннинг энг муҳим ва долзарб масалаларидан биридир. Зеро, малакали ёш мутахассис ходимлар эртанги кунимиз, нурилик истиқболимиз гаровидир. "Кадрларни тайёрлаш миллий дастури"ни ҳаётга татбиқ этиш борасида вилоят ички ишлар бошқармасида амалга оширилаётган ишлар юзасидан Тошкент вилояти ИИБ бошлиғи ўринбосари, милиция подполковниги Фурқат Яйлович ТАНГИБОЕВ билан суҳбатлашдик.

## МАЛАКАЛИ МУТАХАССИСЛАР - НУРАФШОН КЕЛАЖАГИМИЗ ПОЙДЕВОРИ

– Вилоят ички ишлар тизимида "Кадрлар тайёрлаш миллий дастури" ва янги номзодларни хизматга қабул қилиш қандай амалга оширилмоқда?

– Ўзбекистон келажаги бўлган ёшларимизнинг ҳуқуқий онгини оширишга катта аҳамият берилаётган бугунги кунда кадрларни тайёрлаш бўйича миллий дастур узоқ йилларга мўлжалланган ва улкан вазифаларни ўз ичига олувчи стратегик ҳужжатдир. Ушбу ҳужжат асосида ИИБ Академиясида, бошқармадаги ўқув марказларида янгича билим олиш бўйича ишлаб чиқилган режалар ўз самарасини бермоқда.

Президентимиз ташаббуси билан ишлаб чиқилган кадрлаш тайёрлаш тизимининг миллий моделини ҳаётга тадбиқ этиш бизнинг асосий вазифамиз ҳисобланади. Шунинг учун ҳам ички ишлар хизматининг барча соҳаларидаги лавозимларга изланувчан ёш мутахассисларни тайинлаб, уларни ҳар бир ишда ҳеч иккиланмай дадил ҳаракат қилишлари учун барча имкониятлар яратилмоқда. Вилоят ички ишлар бошқармаси, жойлардаги ички ишлар бўлимлари ҳамда шахсий таркиб билан ишлаш хизмати раҳбарияти томонидан кадрларни танлаш, уларни жой-жойига қўйиш, тарбиялаш, касб маҳоратини ошириш, хизмат интизомини мустаҳкамлаш ҳамда улар томонидан қонунчиликка тўлиқ амал қилинишига қаратилган бир қатор масалалар юзасидан ишлаб чиқилган режалар асосида кўпгина ишлар бажарилмоқда. Ҳозирги кунда мутахассис кадрларни танлаш ва уларни ўқитиш масалаларини мунтазам равишда ички ишлар бошқармасининг раҳбарлари ҳузуридаги тезкор йиғилишларда муҳокама қилиниб келаётганлиги келгусида малакали мутахассис кадрлар етишмаслиги ҳолларининг олдини олишда муҳим омил бўлиб хизмат қилади.

Жорий йилнинг ўтган даври мобайнида вилоят ички ишлар идоралари хизматида номзодларни янгитдан қабул қилиш ишлари Ўзбекистон Республикаси Ички ишлар вазирлигининг 159-сонли "Ўзбекистон Республикаси ички ишлар идоралари ва тизимлари хизматида номзодларни даврий жамлаш тўғрисида"ги буйруғи талаблари асосида амалга оширилмоқда. Янгитдан ички ишлар идоралари хизматида кирувчи номзодларнинг бир қисми дастлаб Ички ишлар вазирлигининг ўқув марказларига юборилиб, у ерни муваффақиятли тамомлаб келганидан сўнггина белгиланган соҳа йўналишлари бўйича лавозимларга тайинланмоқда.

– Хизматга қабул қилинган айрим зобитлар синов мuddатлари тугамасиданоқ ички ишлар тизимларидан кетиш учун ариза билан мурожаат қиладилар. Сизнинг бунга муносабатингиз?

– Албатта, эл осойишталигини сақлаш қанчалик шарафли бўлса, шунчалик матонат, сабр-бардош, жасорат, тинимсиз меҳнат ва изланишни талаб қилади. Минг афсуски, ўз касбига содик, фидойи ходимлар билан бир қаторда, погон тақишни фақат орзу-ҳаваслардан иборат деб ўйловчи, хизматнинг илк машаққатларини енга олмай таслим бўлувчи ёш ходимлар ҳам учраб туради. Шу ўринда мен ёш мутахассис ходимларни янги ўтказилган ниҳолга қиёс қиламан. Чунки ниҳолни ҳам эътибор билан парвариш қилсанг, вақти-соати етиб мева беради. Янги хизматга қабул қилинган ходим ҳам тажрибали мураббийлари ва устозлари ўғитларидан баҳраманд бўлиб, хизматнинг барча пасту баландини, сир-асрорларини улардан ўрганиб борса, ўз касбига содик қолувчи посдон бўлиб етишиши табиий. Халқимиз устоз отадан улуг, деб бежиз айтмадилар. Бир шогирдга устозлик қилиб, унга ҳаёт тажрибаларини ўргатиб, тўғри йўлга солиш, ўз касбининг устаси қилиб тайёрлаш улуг ишдир. Вилоят ички ишлар идораларида узоқ йиллар хизмат қилиб, ҳозирги кунда кексалик гаштини сураётган, фахрийлар кенгашининг раиси М. Иноғомов, Ҳ. Абдиев, Ф. Исроиловларнинг мураббийлик ишларини тилга олмай иложимиз йўқ. Чунки фахрийлар кенгаши аъзолари вилоят, шаҳар ва туман ички ишлар идораларида бўлиб, маҳалла фаоллари ва ходимлар билан учрашиб, ўзларининг узоқ йиллик иш тажрибаларини ёш-

ларга ўргатиб келмоқдалар. Бу эса ёш ходимлар ўртасида жуда катта тарбиявий аҳамият касб этади. Зеро, уларнинг босиб ўтган ҳаёт йўллари ёш ходимлар учун улкан бир мактабдир.

– Вилоят шахсий таркибининг хизмат ва жанговар тайёргарлик савиясини ошириш борасида амалга оширилаётган ишларга тўхталиб ўтсангиз.

– Ички ишлар ходимлари энг, аввало, жиноятчи билан юзма-юз келганда маънан юксак ва жисмонан бақувват эканликларини намоён қилишлари керак. Шунинг учун ҳам ходимларнинг жисмоний жиҳатдан бақувват бўлишлари, жанговар ҳаракатланиш қондаларини пухта эгаллашлари учун етарли вақт ва шарт-шароитлар яратилишига эътиборни қаратмоқдамиз. Шарқона кураш ва бошқа спорт турларини ўргатиш бўйича махсус дарслар ташкил этилган. Бугунги кунда вилоят ИИБнинг "Динамо" жамияти спорт мажмуи ходимларимизнинг тўла ихтиёридадир. Меъёрий буйруқлар асосида ҳафтада икки маротаба ўтказиладиган жисмоний тайёргарлик дарсларидан ташқари, ходимларимизнинг мустақил равишда шуғулланишлари учун ҳам имкониятлар яратиб берилган. Меъёрий буйруқ ва ҳужжатларни тезроқ ўзлаштиришлари мақсадида ҳар ойда бир марта барча соҳа хизматларида семинар-кенгашлар уюштирилиб, амалий машғулотлар ўтляпти. Ўтган давр мобайнида Ўзбекистон Республикаси ИИБ томонидан тасдиқланган дастурлар асосида Тошкент олий ҳарбий-техник билим юрти базасида "Мерган" ва "Сапёр" ўқув гуруҳларининг машғулотлари ташкиллаштирилди. Амалий ўқотиш машғулотлари эса бошқарма бошлиғининг буйруғига асосан ҳар чоракда бир маротаба барча тоифадаги ходимлар билан ўтказилмоқда. Шахсий таркиб ўртасида спортнинг омвий турлари бўйича мусобақалар ўтказилиб, голиблар қимматбаҳо совғалар билан тақдирланмоқда. Ҳозирги кунда вилоят ИИБ тизимларида спорт иншоотларини яратишга ҳам катта аҳамият қаратилмоқда. Бўстонлик, Янгийўл ва Ангрэн шаҳарларида тир, спорт мажмуалари, касбий тайёргарлик синфи, қўл жанги хоналарида қурилиш ва таъмирлаш ишлари ниҳоясига етказилди. Қилинаётган барча хайрли ишлар ходимларнинг жисмонан бақувват бўлишлари ва доимо жанговар тайёр туришлари учун улкан бир имкониятдир.

– Ички ишлар ходимларида юксак ҳуқуқий маданият ва маънавий баркамолликни камол топтириш йўлида қандай ишларни амалга оширишимиз лозим деб ўйлайсиз?

– Ички ишлар ходимлари ўткир зеҳли, чуқур билимли, юксак савияли, инсоф-диёнатли ва жамиятнинг энг етук кишилари бўлиши керак. Бунинг учун эса, энг аввало, уларда маънавий, ижтимоий-сиёсий ва ҳуқуқий маданиятни тўлақонли равишда шакллантириш зарур. Шунинг учун ҳам вилоят ички ишлар бошқармасида шахсий таркиб билан ишлаш хизмати томонидан маърифат дарслари маърузалари ишлаб чиқилган бўлиб, мунтазам равишда ҳафтанинг душанба ва пайшанба кунлари ўтказиб келинмоқда. Маърифат дарсларига ҳуқуқшунос олимлар, Олий Мажлис депутатлари, таниқли санъат арбоблари, сиёсий шарҳловчилар, ёзувчи ва шоирлар таклиф этилмоқда. Аждодларимизнинг маънавий мероси, одоб-ахлоқ, интизом ҳақидаги ҳадислар ўрганилмоқда. Республикаимиз Президенти И. А. Каримовнинг "Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари", "Ўзбекистон XXI асрга интилоқда", "Хушёрликка даъват" номли китоблари таниқли тарихшунос олимлар ва сиёсий шарҳловчилар ёрдамида ходимлар онгига чуқур сингдириб борилмоқда. Ҳар ойда икки марта ўтказиладиган сиёсий-ижтимоий ўқиш дарслари ҳам ходимларнинг сиёсий тафаккурини юксалтиришда муҳим роль ўйнаяпти. Ҳозирги кунда сиёсий-ижтимоий дарслардан ходимлар синов-имтиҳонлар топшироқдалар. Ташкилий-инспекторлик, Тергов, Қўриқлаш ва Ёнгиндан сақлаш бўлимлари синов-имтиҳонлари муваффақиятли топшириб, ўзларининг илмга нечоғлик чанқоқ эканликларини намоён этдилар. Дарҳақиқат, бизнинг ёшларимиз илмга ташна, изланувчандир, фақатгина уларга эътибор даркор.

Суҳбатдош М. СУЛТОНОВА.



РДТ

6.00-8.45 «Хайрли тонг, Россия!». 6.20 «Хамманинг оғзида».

ТВ-6

7.55, 14.10 — «Кундан-кунга». 9.45, 19.20, 23.55 «Йул назорати».

НТВ

8.00, 8.30, 9.00, 9.30, 10.00 — «Бугун эрталаб». 9.15 Спорт.

АСТ

7.00, 13.00 Мультфильмлар. 7.30, 10.30, 13.30, 16.30, 19.30, 22.30, 1.30, 4.30 «Факт».

REN TV

11.05, 19.55 «Селеста» сериали.

14.00, 15.40, 0.50 REN TV янгиликлари. 14.05 Мусикий канал.

ТВ МАРКАЗ

6.55, 8.15 «Навигатор». 7.50 Хонадонингизга тинчлик.

ТНТ

8.00, 8.30, 15.00 Мультсериаллар. 9.00, 17.30 «Коронгуликдан кўрмайсани?».

ПАЙШАНБА, 29

ЎзТВ I

6.30 «Ассалом, Ўзбекистон!» 8.00-8.30 «Ахборот».

гига. «Озод юрт одамлари». 23.05 «Олам кўшиқча тўлсин».

ЎзТВ II

18.05 «Кусто командасининг сувости саргузаштлари».

ЎзТВ III

18.00, 21.30, 22.30, 23.30 «Пойтахт».

ЎзТВ IV

6.30-8.00 РЖТ 14.00 ТУРКИЯ ТЕЛЕВИДИЕНИЕ-СИ.

НТВ

8.00, 8.30, 9.00, 9.30, 10.00 — «Бугун эрталаб».

АСТ

7.00, 13.00 Мультфильмлар дастури.

РЖТ

5.00 «Хайрли тонг!». 8.00, 11.00, 14.00, 17.00, 23.30 — Янгиликлар.

РДТ 6.00-8.45 «Хайрли тонг, Россия!».

ТВ МАРКАЗ

6.55, 8.15 «Навигатор». Ахборот-кўнгулчор дастур.

ТВ-6

7.55, 14.10 — «Кундан-кунга». 9.45, 19.20, 23.50 — «Йул назорати».

ТНТ

8.00, 8.30, 15.00 Мультсериаллар. 9.00, 17.30 «Коронгуликдан кўрмайсани?».

ЖУМА, 30

ЎзТВ I

6.30 «Ассалом, Ўзбекистон!» 8.00-8.30 «Ахборот».

ликлари. 14.05 «Альфред Хичкок намойиш этади».

ТВ МАРКАЗ

6.55, 8.15 «Навигатор». Ахборот-кўнгулчор дастур.

ТВ-6

7.55, 14.10 — «Кундан-кунга». 9.45, 19.20, 23.50 — «Йул назорати».

ТНТ

8.00, 8.30, 15.00 Мультсериаллар. 9.00, 17.30 «Коронгуликдан кўрмайсани?».

Видеофильм. 23.50 «Ахборот». 00.20 «Шарк тароналари».

ЎзТВ II

18.05 «Янги авлод» студияси намойиш этади.

ЎзТВ III

9.00 «Ёрилтош». Мульттўплам. 9.10 Болажонлар экрани.

ЎзТВ IV

6.30-8.00 РЖТ 14.00 ТУРКИЯ ТЕЛЕВИДИЕНИЕ-СИ.

1998 йилги иш». 18.45 «Аралаш-куралаш» журналидаги кўнвоқеалар.

РДТ

6.00-8.45 «Хайрли тонг, Россия!». 6.20 «Хамманинг оғзида».

ТВ-6

7.55, 14.10 — «Кундан-кунга». 9.45, 19.20, 00.40 — «Йул назорати».

НТВ

8.00, 8.30, 9.00, 9.30, 10.00 — «Бугун эрталаб».

АСТ

7.00, 13.00 Мультфильмлар. 7.30, 10.30, 13.30, 16.30, 19.30, 22.30, 1.30, 4.30 «Факт».



## ШАЪРИКЛАЙМИЗ!

Асал қизим **ЭЛНОРА!** Сени 22 июль куни 9 ёшга тўлишинг билан чин қалбимиздан табриклаймиз. Сенга боқий умр, порлоқ келажак, сиҳат-саломатлик, ўқишларингда муваффақиятлар тилаймиз. Доимо юзингдан қулту аримасин.

**Ойижонинг Бернора, укаларинг Отабек, Элбек.**

Азиз **НАСИБАХОН!** Аяжонимиз! Сизни 29 июль — таваллуд кунингиз билан қутлаган ҳолда Сизга оилавий бахт, узоқ умр, саломатликни Оллоҳдан тилаб қоламиз.

**Турмуш ўртоғингиз Рихсивой, фарзандларингиз Нигора, Равшан, Рустам.**

Қашқадарё вилояти Яккабоғ тумани ИИБ тезкор вакили милиция капитани **Абдужалил МҶМИНОВ**ни таваллуд топган куни билан табриклаймиз. Бахтимизга доимо саломат бўлинлар, қаторимизда суянч бўлиб юрсинлар, Оллоҳ инояти билан узоқ умр кўрсинлар.

**Укаси Камол, набиралари Жаҳонгир, Жавлонбек, Давронбек.**

Зомин тумани ИИБ ходимлари — милиция капитани **Ҳасан ЛАПАСОВ** ва милиция сержанти **Ҳусан ЛАПАСОВ**ни туғилган кунлари билан чин дилдан табриклаймиз. Энг яхши ва эзгу тилаклар билан турмуш ўртоқлари **Адолат ва Холбуви Лапасовалар.**

Наманган вилояти ИИБ масъул ходими, милиция полковниги **Жакбарали РАҲМОНОВ**ни таваллуд куни билан табриклаймиз ва соғлиқ-омонлик, узоқ умр, ишларида омадлар тилаймиз.

**Шогирдлари номидан Али Мирзо.**

Сурхондарё вилояти Музрабод тумани ИИБ бошлиғи, милиция подполковниги **Бўри Чориевич БЕК-НАЗАРОВ**ни 24 июль куни қутлуг 47 ёши билан самимий муборакбод этамиз ва узоқ умр, саломатлик, масъулиятли ишларида омад ёр бўлишини тилаб қоламиз.

**Туман ИИБ раҳбарияти ва шахсий таркиби.**

# БИЛМАГАННИ СЎРАБ БИЛИНГ

“Билмагани сўраб билинг” рукни остида ёритилган навбатдаги туркум материаллар асосан автомобиллар ва уларни бошқаришга тааллуқли.

Экология талонининг муддати қанча ва тўланадиган пул қиймати қандай белгиланади?

**Т. Бобомуротов, Тошкент шаҳри.**

**И. САИДКАРИМОВ, Республика ИИБ Давлат автомобиль назорати Бош бошқармаси тарғибот бўлими нозир, милиция катта лейтенанти:**

– Экология талони барча транспорт воситаларига бир йил муддатга берилади. Ҳар чоракда бир марта қайта экологик текширувдан ўтказилиб, талоннинг орқа қисмига бу ҳақда белги қўйилади ҳамда

муҳр билан тасдиқланади. Талоннинг нархи эса Ўзбекистон Республикаси Молия вазирлиги билан келишилган ҳолда энг кам иш ҳақининг беш фоизи миқдорига белгиланган. Экология соҳасида ҳамкорликда ишлаётган ташкилотлар, фирмалар томонидан автомобилнинг экологик ҳолатини текшириш, соzлаш ва қисмларни алмаштириш бўйича олинган иш ҳақи бунга кирмайди.

Баъзан ҳайдовчилар “дворник” деган атамани ишлатишади. Бу сўз қандай маънони англатади?

**З. Одилов, меҳнат кексаси.**

Автомобиль ойнасини ёмғир-қордан тозалайдиган қурилма “дворник” деб юритилади. Бу атама эҳтимол ойна-

тозалагич худди фаррош сўпургиси каби ҳаракат қилган ҳолда ойнани тозалашидан келиб чиққан бўлса ажаб эмас.

Иккинчи гуруҳ ногиронлари шахсий автомобилларида қайси йўл белгиларидан имтиёзли фодаланиш ҳуқуқига эга?

**Р. Ахматов, Фазалкентдаги М. Ҳасанова кўчасида яшовчи фуқаро.**

Йўл ҳаракати қондасига мувофиқ ногиронликни англатувчи таниқли белгиси бўлган, ногиронлар бошқарувидаги транспорт воситалари ва кажавали ёки кажавасиз мотоцикллар “ҳаракатланиш тақиқланади (3.2)”, “механик транспорт воситалари ҳаракати та-

қиқланади (3.3)” ва “тўхтаб туриш тақиқланади (3.28)” белгилари талабларидан четга чиқиши мумкин. Шунингдек, кўшимча “ногиронлар мустасно (7.18)” белгиси бўлганда “тўхташ тақиқланади (3.27)” белгисининг таъсир доирасида тўхташга руҳсат этилади.

Чет элда автомобилни исталган кўйга солиб бера оладиган фирма бор деб эшитдим. Шу ҳақда маълумот берсангизлар.

**Х. Ёқубов, Тошкент тумани соғлиқни сақлаш бўлими ҳайдовчиси.**

Манбаларда ёзилишига, “Карат Дачтал” деб номланган немис фирмаси “Мерседес-Бенц”, БМВ ва бошқа русумдаги машиналарга ўқ ўтмайдиغان зирх ўрнатади, бу юртта бўйича турли ўзгартишлар киритади. Шунингдек, телевизор, ба-

куват кондиционер, музхона, бар, телефон, факс ва бошқа зарур нарсаларни ўрнатиб беради. Баъзан бундай ишларни бажариш автомобиль нархидан ҳам қимматга тушиб, бир неча юз минг АҚШ долларини ташкил этади.

Шу йил март ойида автомашинани сотиб олган эдим. Уни техник кўриқдан ўтказишим шартми ёки йўқми?

**Э. Гулбоев, Зомин тумани, Даштотобод шаҳри.**

**Т. РАҲИМЖОНОВ, Тошкент шаҳар 1-диагностика маркази катта нозир, милиция майори:**

– Сотиб олинган автомобиль янги ёки маълум вақт фойдаланилганми, техник

кўриқдан албатта ўтказилиши лозим. Мабоодо йил бошида ўтказилган бўлса, олди-сотди пайтида рўйхатга олинаётганда бу ҳақда белги қўйиб, муҳр босиб берилади.

Саъдулла ШОДИЕВ тайёрлади.

# ДАРДЛАРИМИНИ ТИНТЛА, ҚАЛДИРҒОЧ...

Нурия опа Самад ака билан оила қургач, ўртада анча йил фарзанд бўлмади. Кейинроқ Яраганнинг марҳамати ила қиз кўришди. Унга Умида деб исм қўйишди. Орадан яна икки йилча вақт ўтиб ўғиллик ҳам бўлишди. Самад ака оқил ва хушфелъ бўлиб, ҳаммиша хотинининг кўнглини кўтарар, шу икки зурри-ёд учун ҳам Оллоҳга шукр қилиш лозимлигини таъкидларди.

Бу оила маҳаллада иззат-обрўли, ўзига тинч эди. Самад ака муҳандис, Нурия опа эса жамоа хўжалигида ҳисобчи бўлиб ҳалол меҳнат қилишарди. Йиллар ўтган сайин болаларнинг бўйи чўзилиб бораётганидан икковининг ҳам севинчи чексиз эди. Айниқса, дунёни эзгуликдан иборат деб тасаввур этувчи Умиданинг жонзотларга, қушларга меҳр қўйгани-

бошига кўтариб йиғлагиси келган пайтларда шифохона ховлисига чиқиб ўтирар, ўтган-кетганларни кузатиб ўзини чалғитишга уринарди.

Шундай кунларнинг бирида дарахт остидаги ўриндикда ўтирган Нурия опанинг кўзи симёғочга келиб кўнган бир жуфт қалдирғочга тушди. Хаёлида Умиданинг руҳи қалдирғочга айланиб бошида парвона бўлаётгандек туюлди... Ўзларича нималарнидир чугурлашаётган қушларга тикилиб ўтириб яна кизини эслади...

қилди. Уят ва ҳаяжондан титраганча йиғлаб уйига қайтган Умиданинг қулоғида номарднинг безбетларча ишшайиб туриб айтган сўзлари жаранглайверди: “Қачондан бери фаришта бўлиб қолдинг? Эсингдан чиқдим, тунлари мен билан...” Қизлик гурурига озор етган қиз туҳмат тошининг зарбига барлош беролмади. Ориятли оилада тарбия топган эмасми, шарм-ҳаё устунлик қилди. Уйда ҳам ҳеч ким йўқлигини кўриб, арқонни излаб топди-да, бўйнига сиртмоқ солди. Ўткиржон мактабдан қайтганида опаси аллақачон бу фоний дунёни тарк этиб бўлганди.

Бу фожиа маҳалла аҳлини қаттиқ қайғуга солди. Эртасига Самад акани “тез ёрдам” олиб кетди. Отанинг юраги бу мусибатга дош беролмади. Ўн кун ичида ҳам қизи, ҳам умр йўлдошидан жудо бўлган онанинг эси оғиб қолди... Шокир эса туман ички ишлар бўлими ходимлари томонидан жиёсга олинди, жиний жавобгарликка тортилди. Лекин бир ахлоқсизнинг салбий хатти-ҳаракати оқибатида тинч оила барбод бўлди. Дунёнинг қирқ турли ҳоли бёр, дейишади. Ҳа, ҳаётнинг саодатли кунлари бўлганидек, бахтсиз онлари ҳам бор. Оллоҳ ҳаммиша покиза бандасини, айниқса бегуноҳ қиз-жувонларни ўз паноҳида сақласин экан...

**Анвар ҒУЛОМОВ, милиция майори. Самарқанд вилояти.**

# НОЗИК ҚҮЛЛАР... ГУЛДОН... ҚАБОҲАТ... Турмуш чорраҳаларида

Нукус шаҳридаги Боғчилик кўчасида бўлган қотиллик зумда ҳуқуқ-тартибот ходимларига маълум бўлди. Шаҳарда турли миш-мишлар тарқалди: нима дейсан, Мамут оғанинг (исмлар ўзгартирилган) уйига куппакундузи иккита ниқобли йигит бостириб кирибди. Келини, 1981 йилда туғилган Ақчани уриб, хушидан кетказиб, 1992 йилда туғилган қизи Гулнорани пичоқлаб, ўлдириб кетишибди...

Афт-ангори кўкариб-ёрилган келиннинг аризасида ҳам худди шу гаплар такрорланган, “улар қайинсинглимининг номусига тегмоқчи бўлишди, мен ўртага тушганимда, бошимни совуттичга аямай бир неча марта уришди, мен хушимдан кетдим, у ёғини билмайман. Ўзимга келсам, Гулнора қонга ботиб ётган экан. Мен у йигитларни танимайман” дея кўшимча қилди келин.

Мудҳиш воқеа юз берган жойга зудлик билан етиб келган ҚР Ички ишлар вазири, ички хизмат генерал-майори Ж. Шилманов ва ҚР Прокурори Ҳалимов бошчилигидаги тезкор гуруҳлар хоналарни синчковлик билан кўздан кечирдилар. Хоналар деярли алғов-далғов қилинмаган, ерда, синган гулдон парчалари орасида кўйлаги ечилиб, оғзига тиқилган, кўкрагининг бир неча жойидан пичоқланган, боши ёрилган етти ёшли қизалоқ ўлиб ётар, хонадонда совуттичнинг эшиги узилиб, ичидагилар сочилиб ётар, ҳеч нарса ўғирланмаганди. Наҳотки хонадонга бостириб кирган ниқобли икки босқинчи фақат шу қизалоқнинг жонига қасд қилиш учун келган бўлса? Жумбоқни ечиш учун ҳамма баробар бош қотира бошлади.

Орадан роппа-роса 65 дақиқа вақт ўтди.

– Қотилни топдим! – хабар қилди эксперт-криминалистика бўлимининг бошлиғи, милиция полковниги У. Гайнутдинов. – Уни келиндан бошқа ҳеч ким ўлдирмаган. Гулдоннинг синиқларида, совуттич эшиги, пичоқ ва бошқа ашёларга фақат келиннинг бармоқ излари бор. Ундан бошқа бегуноа из йўқ.

...Келин бошқатдан тушунтириш хати ёзмақда. Унинг нозик бармоқлари баттарроқ титрайди, кўз ёшлари тинмайди:

“...1999 йил 7 май куни қайнотам уйда ҳеч ким йўқлигидан фойдаланиб, мени зўрлаб, жинсий алоқа қилди. Эртаси куни ҳам соат 15ларда қайнонамни бир иш билан кўчага чиқариб юбориб, мени зўрлаб ётганда қайинсинглим Гулнора келиб, бизни кўриб қолди. Қайнотам туриб, кўчага чиқиб кетди. Мен Гулнорадан бу ишни ҳеч кимга айтмайсанми, десам, онам келса, барини айтаман деди. Мен кўрқиб кетдим. Унинг бошига гулдон билан урдим. У боши ёрилиб йиқилди, “барибир айтаман!” деди қирқираб. Шунда унинг эгнидаги кўйлагини юлқиб олдим ва оғзига тиқдим. Кейин ошпичоқни олиб, дуч келган жойига уравердим. Ниқобли икки йигит, шунчаки, ўйлаб топган баҳонам эди”.

Қаранг, келиннинг енгилгина ручка тутганда титраётган бармоқлари қўлига пичоқ олиб, гуноҳсиз қизчининг кўксига кетма-кет урганда қаттирамабди ҳам...

Нораста қиз ота ва келиннинг шармсизлиги қурбони бўлди. Икки бадкирдор инсон қонун олдида жавоб бермоқда...

**И. ПИРМАТОВ, милиция подполковниги.**

# КУМУШ МЕДАЛЬ СОҶИБИ

Испаниянинг Пальма де Мальорка шаҳрида ўтказилган Бутунжаҳон ёзги Универсиадада таниқли дзюдочимиз, Атланта Олимпиадаси кумуш медали совриндори А.Богдасаров муваффақиятли иштирок этди. Тошкентлик динамочи 90 килограммгача бўлган вазндаги спортчилар баҳсида финалга чиқиб, фақат мазкур учрашувда канадалик С.Морганга ютқазиб қўйди. У кумуш медални қўлга киритди.

Шуни таъкидлаш лозимки, дзюдочиларнинг Универсиада турнирида дунёнинг 60дан ортиқ давлатидан спортчилар иштирок этди.



Спорт турлари бўйича эса 120 мамлакат вакиллари ўзаро куч синашдилар.

А.Богдасаровни одатдагидек мусобақага доимий устози В.Пятаев тайёрлади.

Ўз мухбиримиз.

## ҚИДИРИЛМОҚДА

Андижон шаҳар ИИБ ЖКБ томонидан бедарак йўқолган куйидаги фуқаролар қидирилмоқда



**Ибрагимова Ҳанифахон**, 1918 йилда туғилган. Андижон шаҳар, Луначарская кўчаси 2-уйда яшаган. 1997 йилнинг 2 июль кuni уйдан чиқиб кетиб, қайтиб келмаган.

**Белгилари:** бўйи 150-155 см, оқ сарикдан келган, ўрта гавдали, сочига оқ оралаган, оғзини тепа жағ қисмидаги 4 та тиши сарик металлдан, юзининг чап томонида холи бор.

**Кийимлари:** эғнида ҳаво ранг гулли кўйлаги, лозими, оёғида гулли "Вишипка" шилпаги бўлган.

**Ёнида:** паспорти, проездной билетлари ҳамда дуррага ўралган тугунчаси бўлган.

**Абдуллаева Кибриё Муталибовна**, 1967 йилда туғилган. Андижон шаҳар, Ижтимоият кўчаси 48-уйда яшаган, 1995 йилнинг 26 март кuni уйдан ишга деб чиқиб кетиб, қайтиб келмаган.

**Белгилари:** бўйи 160-165 см, озгиндан келган, бугдой ранг, қоши қора, ёйсимон, сочи қора узун.

**Кийимлари:** эғнида қизил гулли кўйлаги, сарик рангли "Рамка" рўмоли ҳамда оёғида қора рангли туфлиси бўлган.



**Турсунов Алижон Ибрагимович**, 1959 йилда туғилган. Андижон шаҳар, Мактаб кўчаси 68-уйда яшаган, 1999 йилнинг 1 март кuni уйдан ишга кетаяпман деб чиқиб кетиб, қайтиб келмаган.

**Белгилари:** 170-175 см, қорачадан келган, кўзи, қоши, сочи қора, ўрта гавдали, тепа ва паст жағида сарик металлдан тишлари бўлган.

**Кийимлари:** эғнида қора рангли чарм курткиси, қора рангли туфлиси, қора телпаги, кўк рангли кўйлаги ҳамда қора рангли шими бўлган.

Юқорида номлари зикр этилган фуқароларни кўрган ёки қаердалигини билганлардан яқин орадаги милиция бўлимига хабар беришларини сўраймиз.

Ўзбекистон Республикаси ИИБ ШТБХ раҳбарияти ва Фахрийларни қўллаб-қувватлаш жамоатчилиқ маркази ички ишлар идоралари фахрийси, истеъфодаги ички хизмат полковниги Т. Ибрагимовга рафиқаси

**Бояна ИБРАГИМОВА**нинг

вафот этганлиги муносабати билан ҳамдардлик билдирадилар.

Тошкент вилояти ИИБ раҳбарияти ва шахсий таркиби вилоят ИИБ ЁСБ бошлиғи ўринбосари ички хизмат полковниги А. Алиматовга отаси

**НУРИТДИН** отанинг

вафот этганлиги муносабати билан ҳамдардлик билдирадилар.

Қашқадарё вилояти ИИБ раҳбарияти, шахсий таркиби ва Фахрийлар кенгаши милиция подполковниги Низом Ражабовга отаси

**ОРЗИКУЛ БОБОНИНГ**

вафот этганлиги муносабати билан чуқур ҳамдардлик билдирадилар.

Қашқадарё вилояти ИИБ раҳбарияти, шахсий таркиби ва Фахрийлар кенгаши Косон тумани ИИБ катта терговчиси, милиция майори

**Раҳматилла БЕШИМКҮЛОВ**нинг

вафот этганлигини чуқур қайғу билан маълум қилиб, марҳумнинг оила аъзоларига таъзия изхор этадилар.

Жиззах вилояти ИИБ раҳбарияти ва шахсий таркиби Жиззах тумани ИИБ ЖООБ ходими милиция капитани

**Эгамберди ХОЛМИРЗАЕВ**нинг

фожиали ҳалок бўлганлиги муносабати билан марҳумнинг оила аъзолари ва яқинларига ҳамдардлик билдирадилар.

# MUNAJJIMLAR BASHORATI

26-iyul - 1-avgust

**ҚҲЙ (21 март - 20 апрель)**

Ҳафтанинг биринчи ярмида қувончли воқеалар рўй беради. Сешанба кuni қийин ишни уddалайсиз ва тақдир сизга беварқ бўлмаган кишидан хабар топасиз. Пайшанба кuni ҳамёнингизга пул тушиши эҳтимолдан холи эмас. Шанба кuni бироз ишингиз юришмайди. Яқшанба кuni янги танишларингиз алдаб қўйиши мумкин. Эҳтиёт бўлинг.

**СИГИР (21 апрель - 21 май)**

Душанба - сешанба кунлари саломатлигингизнинг бироз ёмонлашиши режалаштирган ишларингизга таъсир кўрсатмайди. Жумадан яқшанбагача сизга омад кулиб боқади. Айниқса, ижоддаги ютуқлар мамнун этади.

**ЭГИЗАКЛАР (22 май - 21 июнь)**

Душанба ва жума кунлари ўз ҳақлигингизни исботлаш учун кўп куч-қувват сарфлашингизга тўғри келади. Сешанба кuni қўшимча даромад ишлаб олиш имкониятини қўлдан берманг.

**ҚИСҚИЧБАҚА (22 июнь - 23 июль)**

Чоршанба кuni хизматдаги мавқеингиз яхшиланишида катта аҳамият касб этувчи учрашув бўлиб ўтади. Пайшанба кuni кўп қуонаверманг, сизни анчадан буён ташвишга солаётган масала ўз-ўзидан ҳал бўлади.

**АРСЛОН (24 июль - 23 август)**

Ушбу ҳафта молиявий жиҳатдан омадлидир. Сешанба - чоршанба кунлари қўтиллаётган жойдан чўнтагингизга пул тушади. Шанба кuni эса катта миқдордаги қарзингизни қайтаришади ёки дурустгина меросни қўлга киритасиз.

**БОШОҚ (24 август - 23 сентябрь)**

Душанба кунги хушхабар ва чоршанба кuni яқин кишингиздан совага олишингиз кўнглингизни кўтариб юборади. Пайшанба кuni баракали меҳнат қиласиз, жума кuni ишдаги ютуқларингиз учун мукофот қўтиломқда. Яқшанба кuni эса оилавий низо келиб чиқишидан эҳтиёт бўлинг.

**ТАРОЗИ (24 сентябрь - 23 октябрь)**

Сешанба ва пайшанба кунларидаги саъй-ҳаракатингиз молиявий ҳамда ижодий ютуқлар билан тақдирланади. Чоршанба кuni сизга ўз таъсирини ўтказувчи кишининг тақлифига кўнманг. Дам олиш кунлари яқин кишингиз билан келишмовчилик келиб чиқиши қўтиломқда.

**ЧАЁН (24 октябрь - 22 ноябрь)**

Душанба кuni ишқий саргузаштнинг гувоҳи бўласиз. Пайшанба кuni молиявий ютуққа эришингиз эҳтимолдан холи эмас. Ушбу ҳафтадаги энг омадли кун шанбадир. Яқшанба кuni турмуш билан боғлиқ муаммоларни ҳал этганингиз маъқул.

**ЁЙ (23 ноябрь - 21 декабрь)**

Мазкур ҳафтанинг бошида касбингиз юзасидан ва ижодда муваффақиятларга эришасиз. Пайшанба ва яқшанба кунлар асабий ўтади. Ҳафтанинг сўнги кунлари юлдузлар ажойиб танишув ҳамда учрашувларни ваъда қилмоқда.

**ТОҒ ЭЧКИСИ (22 декабрь - 20 январь)**

Барча муносабатларда омадли бўлган душанбадан сўнг бироз ишингиз юришмайди. Бунинг сабаби эса юрагингизда уйғонган муҳаббат тугёнларидир.


**ҚОВБА (21 январь - 19 февраль)**

Сешанба, чоршанба, жума кунлар мураккаб молиявий ва иш жойингиздаги муаммоларни ҳал этиш учун қўлайдир. Ҳафтанинг бошида ва охирида соғлигингизни яхшилаш учун қайғуринг. Шанба кuni олисдан хушхабар эшитасиз.

**БАЛИҚ (20 февраль - 20 март)**

Чоршанба кuni бошлиқлар билан муносабатингиз ёмонлашиши мумкин. Шу сабабли ёмонроғса берилмаслик ҳамда раҳбарлар кўзига кўринмасликка ҳаракат қилинг. Жума кuni бемалол музокаралар юритаверинг, ишингиз юришади.

## КРОССВОРД • КРОССВОРД • КРОССВОРД • КРОССВОРД •



**ЭНИГА:** 4. Мўйқалам устаси, Ўзбекистон халқ рассоми. 7. Савдогарлар дам олиб ўтадиган жой. 10. Юк ташишда фойдаланиладиган иш анжومي. 11. Ҳиндларнинг "Панчатантра" китоби асосида юзага келган адабий ёдгорлик қахрамони. 14. Мамлакатимиздаги вилоят маркази. 16. Германиянинг Эшмир дарёси бўйида жойлашган шаҳар. 18. Ҳамдўстликдаги мамлакат пойтахти. 19. Таниқли ўзбек геолог олими. 20. Кимёвий модда. 21. Сирти қиғаноқ билан қопланган юмшоқ танали умуртқасиз жонивор. 24. Табиатда бор нарсалар мажмуи. 26. Ўзбекистондаги наشريёт. 27. Узунлик ўлчови. 28. Транспорт воситаларининг ерга урилишидаги зарбни камайтирадиган мослама. 31. Машхур қорақалпоқ санъат дастаси.

**БҮЙИГА:** 1. Игна баргли доим яшил жануб дарахти. 2. Атиргуллилар оиласига мансуб хушбўй манзарали ўсимлик. 3. Тўқимачилик хом ашёси. 5. Ҳўл мевадан тайёрланадиган ичимлик. 6. Дунё иқтисодийотидаги нуфузли валюта. 8. Мамлакатимизнинг таниқли физик олими, жамоат арбоби. 9. Ўзбекистон халқ артисти, мумтоз кўшиқлар ижрочиси, устоз санъаткор. 12. Маъмурий, ҳудудий бўлима. 13. Самолётсозлик соҳасига муҳим ҳисса қўшган таниқли ихтирочилардан бири. 15. Атоқли ўзбек адиби, академик. 17. Муסיқали сахна асари тури. 22. Қаштадўзликда гул тиқиш усулларида бири. 23. Ўрта малакали мутахассислар тайёрланадиган ўқув юрти. 25. Ҳисоб илмида йўналишга эга бўлган катталик. 29. Транспорт воситасининг маълум йўналиш бўйича ҳар бир қатнови. 30. Асосан Доғистон ҳудудида яшовчи халқ.

Фозилжон ОРИПОВ тузди.

## ГАЗЕТАМИЗНИНГ АВВАЛГИ СОНИДА ЧОП ЭТИЛГАН КРОССВОРДНИНГ ЖАВОБЛАРИ:

**ЭНИГА:** 7. Фузулий. 8. Хонақоҳ. 11. Баскетбол. 12. Биби-хоним. 14. Зайсан. 15. Арагон. 16. Пойкент. 17. Нома. 19. Дада. 20. Нозимахоним. 23. Мева. 26. Асал. 28. "Дилором". 30. Шажара. 32. Патнис. 33. Қорасарой. 34. Байтуллоҳ. 35. Маросим. 36. Антонов.

**БҮЙИГА:** 1. Шуманай. 2. Туркистон. 3. Чистон. 4. Қоҳира. 5. Мароканда. 6. Ҳошимов. 9. Новвот. 10. Тирана. 13. Ваколлатнома. 18. Алоқа. 19. Доира. 21. Сепаратор. 22. Байтуллоҳ мол. 24. Кимхоб. 25. Морган. 27. Башорат. 29. Ҳисобот. 31. Апатит. 32. Патент.

**ЎЗБЕКISTON RESPUBLIKASI IV BIRLASHGAN TAHRIRIYATI**

**MANZILIMIZ:**  
700029, Toshkent,  
Yunus Rajabiy ko'chasi, 1

**Bosh muharrir Zokir ATAYEV**

**Muharrir Erkin SATTOROV**  
(Bosh muharrir o'rinbosari v.b.)

Navbatchi: **S. SHAMSIDDINOV**

- Ko'chirib bosishda «Postda»dan ekanligini ko'rsatish shart
- Maqolada keltirilgan raqamlar, faktlar va boshqa ma'lumotlar, shuningdek, ochiq e'lon qilinishi mumkin bo'lmagan ma'lumotlar uchun muallif javobgar hisoblanadi.
- Muallifning mulohazasi tahririyat fikriga mos tushmasligi mumkin.
- Qo'lyozmalar tahlil qilinmaydi va qaytarilmaydi.

**TELEFONLAR:**  
139-77-23, 139-75-69.

Ro'yxatdan o'tish tartibi № 00007.  
Buyurtma № — 0554.  
Hajmi — 4 bosma taboq.  
Bosilish — ofset usulida.

Obuna raqami — 180

**74 980 nusxada chop etildi.**

Bosishga topshirish vaqti — ..... 19.00.  
Bosishga topshirildi — ..... 18.00.

**«SHARQ» nashriyot-matbaa konserni bosmaxonasi.**

Korxonaning manzili:  
**Buyuk Turon ko'chasi 41-uy.**  
1, 2, 3, 4, 5, 6.